

Headline:	Six countries to slug it out			Date:	2015-03-21	
Media Title:	Berita Harian (Mon-Sat)		Page No:	27	Size:	33x14
Section:	Sport					
Description:	Singapore will be hosting the 5th South-East Asia Pencak Silat Championship next month which will see five regional powerhouse including Singapore taking part - Vietnam, Malaysia, Indonesia, Thailand and Brunei.					

MENJELANG SUKAN SEA 2015

Enam negara uji kekuatan

► ISMAIL ALI
ismali@sph.com.sg

SINGAPURA menjadi hos Kejuhanan Pencak Silat Asia Tenggara Kelima bulan depan yang akan memunculkan kelima-lima pasukan silat terkuat di rantau ini - Vietnam, Malaysia, Indonesia, Thailand serta negara hos - dan Brunei.

Kejuhanan itu, yang berlangsung dari 3 hingga 6 April di Dewan Sukan Toa Payoh, akan mempertandingkan 15 kategori tanding dan enam kategori seni.

Lima lagi negara iaitu Kemboja, Myanmar, Filipina, Laos dan Timor Leste tidak mengambil bahagian dalam kejuhanan tersebut.

Persekutuan Silat Singapura (Persisi) bercadang menggunakan kejuhanan tersebut untuk menguji bukan sahaja kesiapan pesilat negara, malah kesiapan sukarelawan dan pekerja di bawah kendalian Jawatankuasa Penganjur Sukan SEA Singapura (Singsoc) untuk menganjurkan Sukan SEA Jun ini.

"Pertandingan ini akan membolehkan kami melihat persiapan pesilat Team Singapore yang akan bertanding dalam Sukan SEA.

"Pasukan jurulatih Persisi mahu melihat pesilat negara memberikan persembahan maksimum dalam kejuhanan ini dan mereka tidak boleh tarik-tarik kemampuan mereka lagi.

"Kami pastinya akan berasa bimbang jika mereka masih tidak memberikan segala-galanya dengan Sukan SEA sudah berada begitu dekat.

"Saya diberitahu bahawa hampir kesemua pasukan yang mengambil bahagian akan menghantar seluruh pasukan kecuali Indonesia yang akan menghantar tiga suku pasukan dan Brunei separuh pasukan," jelas Ketua Pegawai Eksekutif Persisi Sheik Alau'ddin Yacob Marican.

Menurut beliau, kesemua negara ingin menguji kemampuan pesilat masing-masing sebelum Sukan SEA dan Singapura juga mahu menggunakan kesempatan ini melihat tahap kemampuan pesilat negara.

"Kami mahu melihat sejauh ma-



PERLU PAMER KEUPAYAAN MAKSIMUM: Pesilat negara digesa memberikan persembahan terbaik dalam Kejuhanan Pencak Silat Asia Tenggara Kelima ini untuk dijadikan batu loncatan untuk mencapai keputusan terbaik dalam Sukan SEA dan merebut tempat dalam Pasukan A negara dalam pertandingan akan datang. - Foto fail

na mereka mampu melangkah selepas menjalankan latihan tambahan.

"Ini kerana pertandingan ini akan menjadi batu loncatan bagi pesilat negara mencapai keputusan terbaik yang diharapkan dalam Sukan SEA kelak dan sama ada mereka layak berada dalam Pasukan A negara dalam pertandingan akan datang," tambah

Sheik Alau'ddin, yang turut bertindak sebagai ketua jurulatih skuad negara.

Beliau menambah, kejuhanan kali ini akan mempertandingkan 11 acara tanding lelaki, empat acara tanding wanita, tiga acara seni lelaki dan tiga seni wanita.

"Dalam acara tanding Kelas A

(45-50 kg), Singapura terpaksa mengundurkan Ridhwan Selamat atas nasihat doktor selepas pesilat itu mengalami kecederaan pada buku lalinya. Tempat Ridhwan akan digantikan Muhammad Haziq Zainal Abidin, yang perlu membuktikan kemampuan apabila disertakan pada saat-saat akhir," ujar Sheik Alau'd-

din lagi.

Selain itu, Kejuhanan Pencak Silat Asia Tenggara ini membolehkan Persisi dan Singsoc menguji kesiapan menganjurkan acara silat dalam Sukan SEA nanti.

"Kami juga mendapat sokongan dan bantuan Sukan Singapura (SportSG) untuk menganjurkan pertandingan ini," kata beliau.

